

Heimastjórn Borgarfjarðar - 37 (6.7.2023) - Strandveiðar 2023

Málsnúmer : 202302023
Málsaðili : Múlaþing
Niðurstaða (stutt) : Vísað til nefndar
Fundardagur : 06.07.2023

Inngangur : Að óbreyttu stöðvast strandveiðar snemma í júlímánuði.

Fulltrúar frá Strandveiðifélagi Íslands mæta á fundinn í spjall.

Niðurstaða : Álfheiður Eymarsdóttir fulltrúi strandveiðifélags Íslands kom á fund heimastjórnar undir þessum lið. Heimastjórn þakkar henni kærlega komuna.

Heimastjórn Borgarfjarðar skorar á matvælaráðherra að auka aflaheimildir til strandveiða á yfirstandandi vertíð. Nú stefnir í að veiðar verði stöðvaðar þegar tímabilið er rétt hálfnað og fiskur nýgenginn á C-svæði (Norðausturland).

Stöðvun veiðanna á miðju sumri hefur gríðarlega neikvæð áhrif á atvinnulíf á Borgarfirði þar sem fiskvinnsla og önnur umsýsla um fisk snýst að mestu um strandveiðiafla á þessum árstíma. Ítrekuð stöðvun strandveiða eykur líkur á að menn hugi að flutningi milli svæða sem mun kippa fótunum undan útgerð á Borgarfirði og annars staðar á C-svæði.

Meðan 48 dagar til veiða eru ekki tryggðir innan kerfisins verður að bregðast við í viðleitni til að bjarga smábátaútgerð á C ? svæði strandveiða t.d. með því að svæðisskipta kvótanum eða auka aflaheimildir.

Heimastjórn Borgarfjarðar vísar málinu til byggðaráðs Múlaþings og skorar á ráðið að gera áskorun heimastjórnar að sinni.

Samþykkt samhljóða.